

## **К ОПУБЛИКОВАНИЮ**

**КОМИ РЕСПУБЛИКАСА ЮРАЛЫСЬЛӨН**

**ИНДӨД**

**Коми Республикаса Юралысь бердын**

**экологическӧй сӧвет йылысь**

Сы могысь, медым быд боксянь бурджыка видлавны да решитны медтӧдчана юалӧмъяс Коми Республика мутасын вӧр-ваӧн тӧлкӧн вӧдитчан, гӧгӧртас видзан да экология боксянь видзчысянлунӧн могмӧдан, йӧзкотыръяс, ӧтйӧза ӧтувъяс, Коми Республикаса олӧмӧ пӧртысь власьт органъяс, Коми Республикаын меставывса асвеськӧдлан органъяс, олӧмӧ пӧртысь власьт федеральной органъяс да налӧн мутас органъяс, вӧр-ваӧн вӧдитчысь организациясӧс петкӧдлысьяс, бизнес- да наука ӧткотыръяс костын йитӧдъяс лӧсьӧдан юкӧнын, шуа:

1. Котыртны Коми Республикаса Юралысь бердын экологическӧй сӧвет да вынсьӧдны сэтчӧ пырысьясӧс 1 №-а содтӧдын индӧм серти.

2. Вынсьӧдны Коми Республикаса Юралысь бердын экологическӧй сӧвет йылысь положение 2 №-а содтӧд серти.

3. Тайӧ Индӧдыс вынсялӧ сийӧс кырымалан лунсянь.

Коми Республикаса Юралысь

В. Уйба

Сыктывкар

2021 вося косму тӧлысь 12 лун

45 №

## ВЫНСЬӦДӦМА

Коми Республикаса Юралысьлӧн

2021 во косму тӧлысь 12 лунся 45 №-а Индӧдӧн

(1 №-а содтӧд)

Коми Республикаса Юралысь бердын Экологическӧй сӧветӧ

### ПЫРЫСЬЯС

- Уйба В.В. - Коми Республикаса Юралысь (Экологическӧй сӧветӧн веськӧдлысь)
- Бахтина И.С. - Коми Республикаса Веськӧдлан котырӧн Юрнуӧдысьӧс вежысь (Экологическӧй сӧветӧн веськӧдлысьӧс вежысь)
- Куратов А.Н. - «Торйӧн ёна видзан вӧр-ва мутасьяслысь уджалӧм да вӧр-ваӧн вӧдитчӧм могмӧдан республиканскӧй шӧрин» Коми Республикаса канму сьӧмкуд учреждениеын вӧр-ваӧн вӧдитчӧмсӧ могмӧдан веськӧдланінса начальник (Экологическӧй сӧветса секретар)
- Кузнецов А.В. - Коми Республикаса вӧр-ва озырлун да гӧгӧртас видзан министр
- Бетехтин В.В. - Коми Республикалӧн Каналан Сӧветса депутат (сӧрнитчӧмӧн)
- Витязева Т.Ю. - «Россияса экологическӧй котыр» Коми Республикаын вӧр-ва озырлун видзӧм да дорйӧм серти ставроссияса ӧтйӧза организациялӧн дінму юкӧдса правлениеӧ пырысь (сӧрнитчӧмӧн)
- Габов А.И. - «Коми войтыр» дінмукоствса ӧтйӧза ӧтмунӧмӧн веськӧдлысь (сӧрнитчӧмӧн)
- Дӛгтева С.В. - «Россияса наукаяс академиялӧн Урал юкӧнса Коми наука

шöрин» туялан удж нуöдысь федеральнöй шöринса федеральнöй канму сьöмкуд наука учреждениеын Россияса наукаяс академиялöн Урал юкöнса Коми наука шöринын Биология институтса директор, биология наукаса доктор (сёрнитчöмön)

Иванов И.С. - «Печора мездан комитет» неправительственнöй организацияөн веськöдлысь (сёрнитчöмön)

Конык О.А. - «С.М. Киров нима Санкт-Петербургса канму лесотехнической университет» вылыс тшупöда уджсикасö велöдан федеральнöй канму сьöмкуд учреждениелöн Сыктывкарса вөр институтлöн (филиаллöн) «Химической технология да техносфернöй видзчысянлун» кафедраса доцент, технической наукаса кандидат (сёрнитчöмön)

Лисин Ю.В. - Коми Республикаса почёта геолог (сёрнитчöмön)

Митюшева Т.П. - «Россияса наукаяс академиялöн Урал юкöнса Коми наука шöрин» туялан удж нуöдысь федеральнöй шöринса федеральнöй канму сьöмкуд наука учреждениеын Россияса наукаяс академиялöн Урал юкöнса Коми наука шöринын Геология институтса шөр тшупöда наука туялысь, геолого-минералогической наукаса кандидат (сёрнитчöмön)

Михайлов О.А. - Коми Республикалöн Каналан Сöветса депутат (сёрнитчöмön)

Паутов Ю.А. - «Эзысь парма» фондса директор (сёрнитчöмön)

Плюснин С.Н. - «Питирим Сорокин нима Сыктывкарса канму университет» вылыс тшупöда велöдан федеральнöй канму сьöмкуд учреждениеын естественнöй наукаяс

институтлӧн директорлысь могъяс олӧмӧ пӧртысь,  
доцент, биология наукаса кандидат (сёрнитчӧмӧн)

- Попов А.Н. - Коми Республикаса Каналан Сӧветлӧн вӧр-ва озырлун,  
вӧр-ваӧн вӧдитчан да экология комитетӧн веськӧдлысь  
(сёрнитчӧмӧн)
- Сидоров С.К. - «Вӧралысьяслӧн да чери кыйысьяслӧн Коми  
республиканскӧй котыр» дінмуса ӧтйӧза организацияӧн  
веськӧдлысь (сёрнитчӧмӧн)
- Щенявский В.А. - Роч географическӧй котырлӧн Коми республиканскӧй  
юкӧнӧн веськӧдлысь (сёрнитчӧмӧн).

ВЫНСЬӦДӦМА

Коми Республикаса Юралысьлӧн

2021 во косму тӧлысь 12 лунся 45 №-а Индӧдӧн

(2 №-а содтӧд)

Коми Республикаса Юралысь бердын Экологическӧй сӧвет йылысь

## **ПОЛОЖЕНИЕ**

1. Коми Республикаса Юралысь бердын Экологическӧй сӧвет (водзӧ - Экологическӧй сӧвет) лоӧ Коми Республикаса Юралысь бердын пыр уджалысь консультативнӧй да сӧвещательнӧй органӧн, кодӧс лӧсьӧдӧма сы могысь, медым видлавны медтӧдчана юалӧмъяс Коми Республика мутасын вӧр-ваӧн тӧлкӧн вӧдитчан, гӧгӧртас видзан да экология боксянь видзчысянлунӧн могмӧдан, йӧзкотыръяс, ӧтйӧза ӧтувъяс, Коми Республикаса олӧмӧ пӧртысь власьт органъяс, Коми Республикаын меставывса асвеськӧдлан органъяс, олӧмӧ пӧртысь власьт федеральнӧй органъяс да налӧн мутас органъяс, вӧр-ваӧн вӧдитчысь организациясӧс петкӧдлысьяс, бизнес- да наука ӧткотыръяс костын йитӧдъяс лӧсьӧдан, вӧзйӧмъяс дасьтан юкӧнын, кутшӧмъясӧс веськӧдӧма гӧгӧртаслы бур условияс лӧсьӧдӧм, Коми Республика мутасын экология боксянь видзчысянлунӧн могмӧдӧм да вӧр-ва озырлунӧн тӧлкӧн вӧдитчӧм вылӧ.

2. Экологическӧй сӧвет аслас уджын кутчысьӧ Россия Федерацияса Оланподулӧ, Россия Федерацияса нормативнӧй инӧда актъясӧ, Коми Республикаса Оланподулӧ, Коми Республикаса нормативнӧй инӧда актъясӧ, а сӧдзжӧ тайӧ Положениеӧ.

3. Экологическӧй сӧвет збыльмӧдӧ сылы сетӧм уджмогъяссӧ Коми Республикаса олӧмӧ пӧртысь власьт органъяскӧд, Коми Республикаын меставывса асвеськӧдлан органъяскӧд, ӧтйӧза ӧтувъяскӧд, а сӧдзжӧ мукӧд организациякӧд йитчӧмӧн.

4. Экологическӧй сӧветӧ пырысьясӧс вынсьӧдӧ да вежӧ Коми Республикаса Юралысь. Экологическӧй сӧветӧ пырӧны Экологическӧй сӧветӧн веськӧдлысь, сійӧс вежысь, Экологическӧй сӧветса секретар, Экологическӧй сӧветӧ пырысьяс.

5. Экологическӧй сӧветлӧн могъясӧн лоӧны:

1) гӧгӧртас видзан, экология боксянь видзчысянлунӧн могмӧдан да вӧр-ва озырлунӧн тӧлкӧн вӧдитчан юкӧнын оланпастэчас бурмӧдӧм серти вӧзйӧмъяс дасьтӧм;

2) Коми Республика мутасын Россия Федерацияса канму экологическӧй политика збыльмӧдӧмын, а сідзжӧ сылӧн подув вылын лӧсьӧдан Коми Республикаса экологическӧй политика лӧсьӧдӧмын отсӧг сетӧм;

3) гӧгӧртас видзан, экология боксянь видзчысянлунӧн могмӧдан да вӧр-ва озырлунӧн тӧлкӧн вӧдитчан юкӧнын юалӧмъяс решитігӧн Коми Республикаса олысьяслысь оланпас серти инӧдъясӧ да коланлунъясӧ кутчысьны отсалӧм;

4) Коми Республикаса олысьяслысь экология боксянь культура лӧсьӧдӧмын да бурмӧдӧмын участвуйтӧм;

5) гӧгӧртас видзан, экология боксянь видзчысянлунӧн могмӧдан да вӧр-ва озырлунӧн тӧлкӧн вӧдитчан юкӧнын юалӧмъяс решитігӧн Россия Федерацияса канму власьт субъектьяслӧн органъяскӧд ведомствокостса да дінмукоствса ӧтув удж сӧвмӧдӧм серти вӧзйӧмъяс дасьтӧм.

6. Экологическӧй сӧветлӧн сылы сетӧм могъяс збыльмӧдӧм вылӧ эм инӧд:

1) видлавны гӧгӧртас видзан, экология боксянь видзчысянлунӧн могмӧдан да вӧр-ва озырлунӧн тӧлкӧн вӧдитчан юкӧнын Россия Федерацияса гражданысь, ӧтйӧза ӧтувъяслысь, юридическӧй кывкутысьяслысь да ашшӧр уджалысьяслысь, канму власьт органъяслысь, меставывса асвескӧдлан органъяслысь водзмӧстчӧмъясӧ;

2) видлавны экологияын мытшөдьяс, кутшөмьясөс колө разны эновтны позьтөг, а сідзжө дасьтыны Коми Республика мутасын гөгөртас видзан да вөр-ваөн вөдитчан юкөнын олөмө пөртысь власьт федеральной органьяслысь да налөн мутас органьяслысь, Коми Республикаса Каналан Сөветлысь удж бурмөдөм серти вөзйөмьяс;

3) видлавны гөгөртас няйтөсьтөмкөд йитчөм аварияслысь, няйтчөдысь вещьтовьяслөн колясьяслысь (шыбласлысь) помкаяс, анализируйтны авариясысь өлөдөм серти өлөдан мероприятиеяслысь окталунсө;

4) урчитөм пөрадокын участвуйтны йөзлы восьса кывзөмьясын, йөзкөд видлалөмьясын юридической кывкутысьяслөн гөгөртас вылө төдчысь овмөс нуөдан да мукөд удж серти;

5) дасьтыны вөр-ваөн вөдитчан юкөнын йөзкотырлөн да овмөс нуөдан субъектьяслөн интересьяс костын гөгөрвотөмлуньяс бырөдөм серти вөзйөмьяс;

6) урчитөм пөрадокын участвуйтны йөзкотырлы да гражданы гөгөртаслөн состояние йылысь, йөзкөд видлалөмьяслөн да канму экологической экспертизаяслөн кывкөртөдьяс йылысь стөч юөрьяс да Коми Республикаса канму власьт органьяслөн, өтйөза өтувьяслөн удж юкөнын Экологической сөветлөн компетенцияө пырысь юалөмьяс серти мукөд төдмөг сетөмын;

7) нуөдны Экологической сөветлөн компетенция серти Россия Федерацияса субъектьяслөн уджалан опытөн вөдитчөм серти анализ, урчитөм пөрадокын збыльмөдны гөгөртас видзан юкөнын Россия Федерацияса субъектьяслөн канму власьт органьяскөд дінмукоствас уджьертасьөм;

8) лөсьөдны уджалан группаяс;

9) нуөдны өтув удж йөзөс юөртан средствояскөд юалөмьясөн төдмөдөм серти, кутшөмьясөс видлалөны Экологической сөветлөн

заседание вылын, а сідзжӧ йӧзӧдны колана юӧртан ресурсьяс «Ӧтуввез» юӧртан да телекоммуникация везйын Коми Республикаса вӧр-ва озырлун да гӧгӧртас видзан министерстволӧн официальной сайтын;

10) нуӧдны ӧтув удж канму власьт, меставывса асвеськӧдлан органьяскӧд да гражданскӧй йӧзкотыр институтьяскӧд Экологической компетенцияӧ пырысь юалӧмьяс серти;

11) дасьтыны вӧзйӧмьяс Коми Республика мутасын гӧгӧртас видзан да вӧр-ваӧн вӧдитчан юкӧнын инӧда акт балаяс, методической да вӧзьяна документьяс серти.

7. Экологической сӧветлӧн заседанияеясыс лоӧны сылӧн шӧр уджалан формаӧн.

Экологической сӧветса уджлӧн котыртан формаӧн лоӧны очнӧя да заочнӧя нуӧдан заседанияеяс.

Экологической сӧветлысь заседанияеяссӧ чукӧртӧны Экологической сӧветӧн веськӧдлысьлӧн помшуйӧм серти, но кварталнас ӧтчдысь оз гежӧдджыка да вермӧны нуӧдны бокын.

Экологической сӧветлӧн заседаниееяс тыр вына, сӧні кӧ эмӧсь сэтчӧ пырысьясысь джынсьыс абу этшаджыкыс.

8. Экологической сӧвет збыльмӧдӧ ассьыс уджсӧ быдвося уджалан план подув вылын.

9. Уджалан плансӧ лӧсьӧдӧны ӧтвылысь Экологической сӧветӧ пырысьясӧн вӧзйӧмьяс пыртӧмӧн да Экологической сӧветӧн веськӧдлысь быд во планируйтан во водзын мунысь волӧн ӧшым тӧлысь 25 лунысь оз сӧрджык вынсьӧдӧ сійӧс.

10. Экологической сӧветлӧн уджӧн юрнуӧдӧ Экологической сӧветӧн веськӧдлысь, а сӧк, кор сійӧ абу сылӧн тшӧктӧм серти - Экологической сӧветӧн веськӧдлысьӧс вежысь.

Экологической сӧветӧн Веськӧдлысь:

1) ӧтув юрнуӧдӧ Экологической сӧветлӧн уджӧн;

2) вынсьоддö Экологическöй сöветса заседаниельсь уджалан план, сёрнитанторсö да экспертъясöс да мукöд йöзöс, кодъясöс корöма Экологическöй сöветса заседание вылö, а сідзжö Экологическöй сöветса заседание нуöдан кадпассö;

3) веськöдлö Экологическöй сöветлөн заседанияяс вылын;

4) юклö Экологическöй сöветö пырысьяс костын кывкутана могъяс, сетö тшöктöмъяс;

5) сэк, кор колö, примитö Экологическöй сöветлысь заседание заочнöя нуöдöм йылысь помшүөмъяс, кутшöм вылын помшүөмъяссö примитöны сэтчö пырысьясöс юасьöм бöрын;

6) сэк, кор колö, лöсьöдö Экологическöй сöвет бердын пыр уджалысь да недыр кадея экспертнöй комиссияяс да уджалан группаяс;

7) видзöдö Экологическöй сöветөн примитöм помшүөмъяс бöрся.

11. Экологическöй сöветөн веськöдлысьöс вежысь:

1) веськöдлö Экологическöй сöветлөн заседанияяс вылын сэк, кор Экологическöй сöветөн веськöдлысьыс абу;

2) пыртö вöзйöмъяс Экологическöй сöветса заседаниелөн сёрнитантор серти;

3) öтув уджалö йöзкöд, кодъясöс корöма Экологическöй сöветса заседание вылö;

4) видзöдö Экологическöй сöветөн примитöм помшүөмъяс бöрся;

5) пырöдчö Экологическöй сöветлөн удж котыртöмö да Экологическöй сöветлөн уджалан планъяс дасьтöмö;

6) пöртö олöмö Экологическöй сöветөн веськöдлысьлысь тшöктöмъяс.

12. Экологическöй сöветса секретар:

1) лöсьöдö Экологическöй сöветлысь уджалан планъяс, оформитö Экологическöй сöветса заседаниельсь сёрнитантор, котыртö Экологическöй сöветлөн заседанияяс кежлö материалъяс да

Экологическӱй сӱветлысь помшӯом балаяс дасьтӱмсӱ;

2) юӱртӱ Экологическӱй сӱветӱ пырысьяслы Экологическӱй сӱветлысь локтан заседание нуӱдан ин, кад да сӱрнитантор йылысь, могмӱдӱ найӱс колана справочнӱй да юӱртан материалъясӱн;

3) оформитӱ Экологическӱй сӱветлӱн заседаниеяслысь сӱрнигижӱдъяс;

4) котыртӱ Экологическӱй сӱветлысь документъяс видзӱмсӱ да обработайтӱмсӱ;

5) юӱртӱ став колана йӱзлы Экологическӱй сӱветлӱн помшӯомъяс йылысь сӱрнигижӱд копия ыстӱмӱн тайӱ Положениелӱн 17 пунктын индӱм пӱрадокын да кадколастьясӱ.

13. Экологическӱй сӱветӱ пырысьяс:

1) пыртӱны Экологическӱй сӱветлӱн уджалан планӱ да заседаниелӱн сӱрнитанторйӱ вӱзйӱмъяс;

2) пырӱдчӱны Экологическӱй сӱветлӱн заседание вылӱ петкӱдӱм юалӱмъяс видлалӱмӱ;

3) пыртӱны Экологическӱй сӱветлысь неӱчереднӱй заседаниеяс корӱм серти вӱзйӱмъяссӱ да примитӱны сылысь помшӯомъяс олӱмӱ пӱртӱм могысь колана мераяс.

14. Экологическӱй сӱветӱн веськӱдлысь лӱсьӱдӱ Экологическӱй сӱветса заседаниелысь сӱрнитанторсӱ Экологическӱй сӱветӱ пырысьяслысь вӱзйӱмъяссӱ тӱд вылӱ босытӱмӱн.

15. Экологическӱй сӱветса секретар тӱдмӱдӱ Экологическӱй сӱветӱ пырысьясӱс да корӱм йӱзӱс Экологическӱй сӱветлысь заседание нуӱдан ин да кад йылысь Экологическӱй сӱветлысь заседание нуӱдан лунӱдз кык уджалан лунысь оз сӱрдзык.

16. Экологическӱй сӱветлысь помшӯомъяссӱ примитӱны заседаниеын участвуйтысь Экологическӱй сӱветӱ пырысьяслӱн ундзык гӱлӱсӱн. Сӱк, кор гӱлӱс лыдыс ӱтмында, вына гӱлӱс инӱдыс эм

Экологическӧй сӧветӧн веськӧдлысьлӧн. Экологическӧй сӧветлӧн помшудмьяс да вӧзйӧмьяс лоӧны вӧзъянаӧн.

17. Экологическӧй сӧветлысь помшудмьяссӧ оформитӧны сӧрнигижӧдӧн, кутшӧмӧс кырымалӧ Экологическӧй сӧветӧн веськӧдлысь сӧйӧс оформитан лунсянь кык уджалан лун чӧжӧн.

Экологическӧй сӧветса секретар оформитӧ сӧрнигижӧдсӧ Экологическӧй сӧветлысь заседание нуӧдан лунсянь куим уджалан лун чӧжӧн.

Сӧрнигижӧдсӧ сӧйӧс кырымалан лунсянь кык уджалан лун чӧжӧн ыстӧны Экологическӧй сӧветӧ пырысьяслы, Коми Республикаса олӧмӧ пӧртысь власьт колана органьяслы, Коми Республикаын меставывса асвеськӧдлан органьяслы, а сӧдзжӧ мукӧд колана органлы да организациялы.

18. Юалӧмьяс серти, кутшӧмьясӧс колӧ нормативнӧй инӧд боксянь ладмӧдны, дасьтӧны нормативнӧй инӧда актьяс дасьтӧм йылысь вӧзйӧмьяс, кутшӧмьясӧс урчитӧм пӧрадокын ыстӧны Коми Республикаса олӧмӧ пӧртысь власьт лӧсялана органьяслы помшудм примитӧм вылӧ.

19. Коми Республика вӧр-ва озырлун да гӧгӧртас видзан министерство организационно-техническӧя да информационно-аналитическӧя могмӧдӧ Экологическӧй сӧветлысь уджсӧ.